

九鼎法象



道藏輯要

金液還丹印證圖詩

五

胃集十二

九鼎詩曰

金丹秘術絕凡人六百篇將九道名帝禹範來奸始怖軒皇鑄
就道名成選時須合丹家法用後無令厭物腥節候換時周復
始煉成龍虎自來迎

金丹之術百數妙在神水華池凡夫豈能識哉故曰金丹秘
術絕凡人也火記三百篇篇篇相似出入貫串易有六十四
卦除乾坤坎離四卦為鼎器藥物餘六十卦以行周天火候
修煉金丹有三百日功每日用二卦直符即朝屯暮蒙朝需
暮訟以至既濟未濟周而復始三百日計六百卦也九道名
即九鼎也夏禹範成而奸始怖軒轅鑄就而道方成昔黃帝

採首山之金鑄鼎於洞庭湖之君山丹成而白日駕火龍升
天者此也九鼎乃九轉之義陽數極於九而言非真鍊九
鼎而後可以成仙也選造金鼎之時要合丹家法度鼎器歌
曰圓三五寸一分口四八兩寸唇長尺二厚薄勻臍腹三坐
垂溫是矣古仙有云金鼎實難造者良有妙旨故也豈可妄
以已見而有損益於其間哉又豈令厭穢腥物以迫鼎爐而
觸犯丹藥者乎節候換時周復始鍊成龍虎自來迎者天上
太陰行度日夜行十三度有奇一月一周天太陽行度日夜
行一度一年一周天丹法攢年簇月攢日攢日簇時攢
時簇刻所謂一刻之工夫自有一年之節候參同契不云始
節節盡更須親是也周而復始循環運用晝夜不息默運火
符龍虎兩相逢迎漸採漸鍊旋凝旋結自然而結成一粒
紫霞赫赤之還丹矣

道藏輯要

金液還丹印證圖詩

三

胃集十一
八八七